



國家清史編纂委員會·文獻叢刊

六編

清代稿鈔本

第二八四冊

國家清史編纂委員會・文獻叢刊

## 六編

# 清代稿鈔本

第二八四冊

廣東省立中山圖書館  
中山大學圖書館

編

主編 桑兵  
副主編 李昭醇 程煥文 劉洪輝

SPM

南方出版傳媒  
廣東人民出版社

・廣州・

# 第二八四冊目錄

京報摘鈔

# 京報摘鈔

不分卷

光緒二年五月至光緒三年十一月

佚名輯

鈔本



光緒二年五月初一日京報

福建  
巡撫 丁日昌

再前署彰化縣知縣朱幹隆先經臣訪聞縱勇殃民劣跡甚多奏請  
撤任叅辦欽奉 諭旨著該撫嚴叅懲辦以儆貪頑等因欽此嗣查  
朱幹隆之家丁湯金貴等並帶勇哨升夏錫漢謝銘鐘均有藉案勒  
索情事密飭台灣道提郡發府審定茲據台灣府知府周懋琦提到  
湯金貴等研訊湯金貴供明朱幹隆藉案科罰先後得贓並供指夏  
錫漢亦得受贓銀屢詰夏錫漢俯首無詞而堅不承認顯係恃符狡  
展質之謝銘鐘諉為不知亦難保非扶同隱飾又訪聞該升等所帶  
勇丁均不足數錄供稟請革審前來臣查朱幹隆藉案科罰數至盈  
千已據家丁湯金貴供指鑿鑿且該令尚有縱放要犯以及此外劣  
跡甚多先已逐案飭令台灣道夏獻綸分別委查提審至該令所部

哨弁守備夏錫漢等帶勇擾民短額侵餉夏錫漢現訊有得賊竟敢  
恃符狡展謝銘鐘扶同隱飾均應澈究嚴辦以儆貪婪除批飭勒提  
案內丁役一併解郡外相應請 旨將藍翎福建補用同知直隸州  
儘先補用知縣朱幹隆革職查辦守備夏錫漢千總謝銘鐘均革職  
歸案嚴審照例懲辦庶可仰副 聖慈整飭官常除暴儆貪之至意  
除咨部查照外臣謹會同閩浙總督臣李鶴年附片具陳伏乞 聖  
鑒訓示謹 奏軍機大臣奉 旨着照所請該部知道欽此

光緒二年五月初三日京報

貴州巡撫黎培敬

再臣前在藩司任內與前臬司林肇元訪聞省城有營幹差缺藉端撞騙之事正在查拿間旋據候補知縣楊敬之以叅將周飛熊文生彭芳從九吳隆光等夥同撞騙等情具稟臬司衙門當經臬司林肇元督同貴陽府惲鴻儀將周飛熊等提案問明係楊敬之決洩周飛熊等營幹差缺周飛熊等藉端撞騙議定銀數書立議單交有銀票大概情形臣與林肇元稟商撫臣曾壁光照例嚴辦前撫臣隨即出缺楊敬之希圖銀票退還令其子從九楊繁生迭次赴藩臬兩司砌詞呈控嘵瀆不休實屬不守官箴目無法紀據臬司余思樞會同藩司林肇元詳請先行叅革前來相應請旨將同知直隸州用候補知縣楊敬之補用叅將周飛熊從九吳隆光楊繁生文生彭芳等分

別革職褫革以便嚴訊確情照例究辦謹附片具陳伏乞  
聖鑒訓  
示謹 奏軍機大臣奉 旨著照所請該部知道欽此

光緒二年五月初三日京報

頭品頂戴貴州巡撫臣黎培敬跪 奏為遵 旨妥議辦理會匪恭

摺覆 奏仰祈 聖鑒事竊臣於本年正月十二日承准軍機大臣

字寄光緒元年十二月二十日奉 上諭前據劉坤一奏哥老會匪

蔓延湘鄂浙閩雲貴川陝安徽江西各省等因欽此仰見我 皇上

思患預防不拘成見之意至意臣查哥老會匪起自軍營流毒各省

始而煽惑鄉愚以入會為保身家之計繼而肆行無忌以放會而萌

不軌之謀蝨結蟻聚所在皆有若不及時嚴拿為禍伊於胡底臣查

李瀚章所奏洞悉各省會匪情形所稱有犯即拿盡法懲治無庸另

議章程臣反覆細思實為因時制宜之法各省督撫誠能認真督飭

地方官訪拿嚴懲歷久不懈並妥為開導愚民使誤入迷途自可同

臻治理黔省情形與他省稍異餉項支絀既難籌贍恤之資積亂初  
平更易啟動搖之漸惟恃地方官平時訪察臨事密圖臣愚惟有籲  
懇 天恩准將拿獲會匪要犯隨案保獎實在出力之員俾地方文  
武各官皆知認真妥辦臣仍悉心訪察既不敢玩泄貽養奸之憂更  
不敢以擾累滋多事之咎所有議覆辦理黔省會匪緣由是否有當  
謹繕摺具奏伏乞 皇太后 皇上聖鑒訓示謹 奏軍機大臣奉  
旨該部議奏片二件併發欽此

頭品頂戴貴州巡撫臣黎培敬疏 奏為遵 旨妥議辦理會匪恭摺覆 奏仰祈 聖鑒事竊臣於本年正月十二日承准軍機大臣字寄光緒元年十二月二十日奉 上諭前據劉坤一奏哥老會匪蔓延湘鄂浙閩雲貴川陝安徽江西各省等因欽此仰見我 皇上思患預防不拘成見之至意臣查哥老會匪起自軍營流毒各省始而煽惑鄉愚以入會為保身家之計繼而肆行無忌以放會而萌不軌之謀姦結蠹聚所在皆有若不及時嚴拿為禍伊於胡底臣查李瀚章所奏洞悉各省會匪情形所稱有犯即拿盡法懲治無庸另議章程臣反覆細思實為因時制宜之法各省督撫誠能認真督飭地方官訪拿嚴懲歷久不懈並妥為開導愚民毋使誤入迷途自可同臻治理黔省情形與他省稍異餉項支絀既難籌贍恤之資積亂初平更易啟動搖之漸惟恃地方官平時訪察臨事密圖臣愚惟有籲懇 天恩准將拿獲會匪要犯隨案保獎實在出力之員俾地方文武各官皆知認真妥辦臣仍悉心訪察既不敢以玩世貽養奸之憂更不敢以擾累滋多事之咎所有議覆辦理黔省會匪緣由是否有當謹繕摺具奏伏乞 皇太后 皇上聖訓示謹 奏軍機大臣奉 旨該部議奏片二件併發欽此

光緒二年五月  
初三日京報

光緒二年五月初八日京報

讀卷大臣

再臣等奉 命讀卷內有試卷一本第一頁悞加彌封臣等未便拆閱除第一頁外公同閱看文理清順字畫工整尚可置諸二甲應否列於二甲之末恭候 諭旨辦理臣等未閱全卷是以未經標識其疎忽之彌封官應請 飭下該部查取職名交部議處謹將原卷封呈 御覽謹 奏奉 旨依議欽此

二甲末楊際清山東萊州府膠州人五月十二日奉  
上諭着改為翰林院庶吉士

光緒二年五月初八日京報

粵海關  
監督文  
銓

再查同治十三年八月十二日夜間新安香山一帶陡起颶風海潮漲湧新安縣屬之汲水門九龍寨佛頭洲長洲香山縣屬之小馬溜洲前山六廠並分卡等處同被冲塌器用一切漂沒無存當經奴才會同兼署兩廣總督廣東撫臣張兆棟查辦情形奏明在案奴才當即飭令暫搭茅篷俾委員丁書人等栖止辦公一面飭匠趕緊興修查當日六廠初設時祇小馬溜洲擇地建造房屋此外五廠因工程浩大經費支絀未能建屋俱係搭蓋篷廠皆附山臨海地勢空曠仍照前搭蓋篷廠一遇風雨傾覆堪虞惟有改建房屋庶可堅固經久小馬溜洲廠房間全行倒塌亦須修復當即擇地購料以次興工均一律建齊計汲水門小馬溜洲長洲佛頭洲四廠共建修房屋一百

三十三間用過工料銀一萬五千九百六十兩伏思奴才受 恩深重自 簡放粵海關監督以來涓埃未報悚愧時縈現當度支孔急撥款煩多尤應力求節省所有此項經費銀兩不敢作正開銷由奴才自行捐辦稍盡微忱以申報效此項經費係由奴才捐辦請免造冊報銷其九龍前山二廠並各分卡係稽查偷漏收稅無多仍租賃民房搭蓋篷廠未經建造房屋合併聲明除呈明戶部外謹附片具陳伏乞 聖鑒謹 奏軍機大臣奉 旨著照所請該部知道欽此

光緒二年五月十五日京報

福建巡撫丁日昌

再本年二月間據署建安縣知縣鄭啟明詳報縣民陸陳鐸被張有清同地保鄧洪洸等誣捏威迫服毒斃命一案臣查核案內情節種種可疑飭司委員密查茲據委員候補知府趙均覆稱訪查地保鄧洪洸武斷鄉曲無惡不作且私置鎖練刑具魚肉平民棍徒吳九仔素與鄧洪洸同惡相濟紳民側目怒不敢言此案被告張有清小本經營因光緒元年十月二十三日行至建安縣轄之銀林坑地方失足跌倒受傷甚重陸陳鐸與張有清係姑表弟兄途遇張有清跌傷不省人事將其身帶洋銀一封帳簿一本代為收起雇轎將張有清抬回并將洋銀三十元連帳簿交張有清之妻葉氏查收嗣張有清傷痕稍愈與妻談及洋銀不止此數但承陸陳鐸救命毋庸向其

弟張有泉在旁聽聞與吳九仔鄧洪洗談及鄧洪洗遂將陸陳鐸誘騙至家同吳九仔私刑嚇詐陸陳鐸許送鄧洪洗洋銀二十元鄧洪洗猶不肯允陸陳鐸無計脫身潛將鄧洪洗吸賸洋烟吞服身死鄧洪洗移屍張有清家內已由縣將鄧洪洗獲押張有清亦到案訊供吳九仔尚未弋獲等情正在核辦間又據鄭啟明以提訊鄧洪洗供稱上年十月二十五日張進樹等同伊將陸陳鐸帶至家內逼討吞匿張有清洋銀陸陳鐸不認張進樹等將陸陳鐸交伊看管本擬次日送官詎是夜陸陳鐸服洋烟伊查知灌救無效抬至張有清家中已氣絕身死等語該令現值交卸移交新任訊辦其稟前來查陸陳鐸縱有吞匿洋銀張有清並未向地保鄧洪洗投告與鄧洪洗毫不相干鄧洪洗何以輒將陸陳鐸私押且該令前詳稱陸陳鐸於十一